



ՄԵԾԱՐԱՆՔԻ ԵՐԵՎՈ

Հունվարի 4-ին, չորեքշաբթի օրը, Վեհա-
կառ Հայրապետի բարեհաճ կարգադրու-
թյամբ, Վեհարանում, նոր տարվա առիթով
ազմակերպվել էր ընդունելություն, ի պա-
ռիվ Մ. Աթոռին աղբյուր ճարտարապետա-
յան հանձնաժողովի:

Ընդունելությանը ներկա էին՝ վարպետը՝
Դարտիրոս Սարյանը, ճարտարապետ Միք.
Դադմանյանը, պրոֆ. դոկտ. Կարո Ղաֆա-
չարյանը, պրոֆ. դոկտ. Վարդգաթ Հարու-
թյունյանը, նկարիչ Գրիգոր Խանջյանը, ճար-
տարապետ Ռաֆայել Իսրայելյանը, պրոֆ.
դոկտ. Կոնստանդին Հովհաննիսյանը, ճար-
տարապետներ՝ Բաղդիկ Արդումանյանը,
Կրծրունի Գալիկյանը և Վաչիկ Խաչատրյանը:

Ընդունելությանը ներկա էին նաև Մայր
Աթոռում հայկական հին սրբապատկերներ
տրոգող Լենինգրադից նկարիչներ՝ տեր և
դիկին Սալաթնոտիկովները և երաժշտագետ
Դիհրան Թոմաճան:

Այս առթիվ Վեհապառ Հայրապետը բարե-
հաճել էր նաև իրեն սեղանակից դարձնել
Ս. Հայկազուն և Ս. Հուսիկ սրբադասներին,
Ս. Մուշեղ, Ս. Արսեն և Ս. Նարեկ վարդա-
պետներին, Գեր. Հոգ. Խորհրդին և Վերստու-
գիչ հանձնաժողովի անդամներին, Մ. Աթոռի
ղկվանապետին, «Էջմիածին» ամսագրի խմբ-
ագրին, տնտեսական բաժնի վարիչին և
Մայր Աթոռի նոր շինարար-ճարտարապետ
Մ. Խաչատրյանին:

Սեղանն օրհնելուց հետո Վեհապառ Հայ-
րապետը ջերմորեն շնորհավորում է բոլոր
ներկաների նոր տարին, բարօրության, ա-
ռողջության և հայրենանվեր նոր գործերի հա-
ջողության մաղթանքներով:

Գեր. Ս. Հայկազուն արքեպիսկոպոսը բա-
ժակ է բարձրացնում Մայր Աթոռի պայծառու-
թյան և նրա շինարար Գահակալի արևշա-
տաւթյան կենաց: Սեղանակիցներից Մ. Մազ-
մանյանը, Կ. Ղաֆաչարյանը, Գ. Խանջյանը,
Վ. Հարությունյանը, Մ. Թոմաճան շնորհա-
վորում են Վեհապառ Հայրապետի նոր տա-
րին՝ խոստանալով իրենց համագործակցու-
թյունն ու աշխատակցությունը շարունակել
Վեհապառ Հայրապետի հետ՝ նրա կառուցո-
ղական, վերանորոգչական ծրագրերը կեն-
սագործելու համար, ի փառս Մայր Աթոռի,
մայր հայրենիքի և մեր ժողովրդի:

Սույն ընդունելությունը կազմակերպվել էր
նաև մի այլ սրտագին նպատակով:

Մայր Աթոռի նախկին ճարտարապետ Արծ-
րունի Գալիկյանը վերջերս անցել է նոր աշ-
խատանքի, իր ցանկությամբ, այլ տեղ: Ա.
Գալիկյանը շուրջ տասը տարիներ նվիրումով
աշխատել է Մայր Աթոռում իրականացնել
Վեհապառ Հայրապետի շինարարական ծրա-
գրերը, ճարտարապետական հանձնաժողո-
վի ցուցմունքներն ու որոշումները: Նա որ-
պես հմուտ ճարտարապետ կազմել է նոր
Վեհարանի վերակառուցման, ինչպես նաև
Մայր Աթոռի շրջապատում, Ս. Հովհաննիսի

վանքում, Շողակաթի և Օշականի եկեղեցիներում մի շարք կարևոր շինարարական նախագծեր:

Ընդունելության ժամանակ Վեհափառ Հայրապետը բարեհաճեց իր բարձր գնահատությունն ու ջերմ շնորհակալությունը հայտնել ճարտարապետ Ա. Գալիկյանին՝ տասը տարիների ընթացքում Մայր Աթոռում նրա կատարած ազնիվ, բարեխիղճ ու օգտակար աշխատանքների համար և հաջողություն մաղթել նրան իր նոր աշխատանքում: Այս առթիվ Վեհափառ Հայրապետը ի նշան իր գնահատության, Ա. Գալիկյանին նվերներ տվեց որպես հուշ և հիշատակ Մայր Աթոռից:

Սեղանակիցներից Տ. Հայկազուն արքեպիսկոպոսը, Մ. Մազմանյանը, Վ. Հարու-

թյունյանը, Վ. Իսրայելյանը, Գ. Բեքմեզյանը, Ե. Ալեքսանյանը, Գ. Քեհայանը իրենց ողջույնի խոսքերի մեջ շեշտեցին Ա. Գալիկյանի կատարած ազնիվ աշխատանքի արդյունքները Մայր Աթոռում, վեր հանելով նրա նկարագրի գծերը որպես համեստ ու ազնիվ հոգու տեր հայ մարդու, հմուտ մասնագետի և բարեխիղճ շինարարի:

Վերջում շնորհակալության և երախտագիտության խոսք ասաց Ա. Գալիկյանը՝ ուղղված Վեհափառ Հայրապետին և բոլոր սեղանակիցներին:

Ընդունելությունը վերջացավ Վեհափառ Հայրապետի օրհնությամբ, ջերմ, ընտանեկան մթնոլորտի մեջ:

